


後漢書 志十二之四



漢書門			
二	四	一	類
八	九	函	號
一	架	冊	冊

內閣文庫			
二	四	一	類
八	九	函	號
一	架	冊	冊

內閣文庫			
番號	漢	2141	
冊數	50 ( 10 )		
函號	279	80	





後漢書志第十二

天文下

桓三十八  
獻九

劉

昭

注補

靈二十  
隕石

孝桓建和元年八月壬寅熒惑犯輿鬼質星

二年二月辛卯熒惑行在輿鬼中三年五月


己丑太白行入太微右掖門留十五日出端

門丙申熒惑入東井八月己亥鎮星犯輿鬼

南星乙丑彗星芒長五尺見天市中東南

色黃白九月戊辰不見熒惑犯輿鬼為死

喪質星為戮臣入太微為亂臣鎮星犯輿鬼





後漢書卷十二  
一  
為喪彗星見天市中為賀貴人至和平元年  
十二月甲寅梁太后崩梁冀益驕亂矣

元嘉元年二月戊子太白晝見永興二年閏  
月丁酉太白晝見時上幸後宮采女鄧猛明  
年封猛兄演為南頓侯後四歲梁皇后崩梁  
冀被誅猛立為皇后恩寵甚盛

永壽元年三月丙申鎮星逆行入太微中七  
十四日去左掖門七月己未辰星入太微中  
八十日去左掖門八月己巳熒惑入太微二

十一日出端門太微天子廷也鎮星為貴臣  
妃后逆行為匿謀辰星入太微為大水一日  
後宮有憂是歲雒水溢至津門南陽大水熒  
惑留入太微中又為亂臣是時梁氏專政九  
月己酉晝有流星長二尺所色黃白癸巳熒  
惑犯歲星為姦臣謀大將戮

二年六月甲寅辰星入太微遂伏不見辰星  
為水為兵為妃后八月戊午太白犯軒轅大  
星為皇后其三年四月戊寅熒惑入東井口



後漢志十一  
二  
中爲大臣有誅者其七月丁丑太白犯心前  
星爲大臣後二年四月懿獻皇后以憂死大  
將軍梁冀使太倉令秦宮刺殺議郎邴尊又  
欲殺鄧后母宣事覺桓帝收冀及妻壽襄城  
君印綬皆自殺誅諸梁及孫氏宗族或徙邊  
是其應也

延熹四年三月甲寅熒惑犯輿鬼賀星五月  
辛酉客星在營室相頌行生芒長五尺所至  
心一度轉爲彗熒惑犯輿鬼賀星大臣有戮

死者五年十月南郡太守李肅坐蠻夷賊攻  
盜郡縣取財物一億以上入府取銅虎符肅  
背敵走不救城郭又監黎陽謁者燕喬坐賊  
重泉令彭良殺無辜皆棄市京兆虎牙都尉  
宋謙坐賊下獄死客星在營室至心作彗爲  
大喪後四年鄧后以憂死

六年十一月丁亥太白晝見是時鄧后家貴  
盛七年七月戊辰辰星犯歲星八月庚戌熒  
惑犯輿鬼賀星庚申歲星犯軒轅大星十月



後漢書卷之二十一  
三  
丙辰太白犯房北星丁卯辰星犯太白十二  
月乙丑熒惑犯軒轅第二星辰星犯歲星爲  
兵熒惑妃質星有戮臣歲星妃軒轅爲女主  
憂太白犯房北星爲後宮其八年二月太僕  
南鄉侯左勝以罪賜死勝弟中常侍上蔡侯  
惲北鄉侯黨皆自殺癸亥皇后鄧氏坐執左  
道廢遷于祠官死宗親侍中泚陽侯鄧康河  
南尹鄧萬越騎校尉鄧弼虎賁中郎將安鄉  
侯鄧魯侍中監羽林左騎鄧德右騎鄧壽昆

陽侯鄧統涑陽侯鄧秉議郎鄧循皆繫暴室  
萬魯死康等免官又荊州刺史芝交阯刺史  
葛祗皆爲賊所拘略桂陽太守任胤背敵走  
皆棄市熒惑犯輿鬼質星之應也  
八年五月癸酉太白犯輿鬼質星壬午熒惑  
入太微右執法閏月己未太白犯心前星十  
月癸酉歲星犯左執法十一月戊午歲星入  
太微犯左執法九年正月壬辰歲星入太微  
中五十八日出端門六月壬戌太白行入輿



後漢書卷之二十一  
四  
鬼七月乙未熒惑行輿鬼中犯質星九月辛  
亥熒惑入太微西門積五十八日永康元年  
正月庚寅熒惑逆行入太微東門留太微中  
百一日出端門七月丙戌太白晝見經天太  
白犯心前星太白犯輿鬼質星有戮臣熒惑  
入太微爲賊臣太白犯心前星爲兵喪歲星  
入太微犯左執法將相有誅者歲星入守太  
微五十日占爲人主太白熒惑入輿鬼皆爲  
死喪又犯質星爲戮臣熒惑留太微中百一

日古爲人主太白晝見經天爲兵憂在大人  
其九年十一月太原太守劉瓚南陽太守成  
瑁皆坐殺無辜荊州刺史李隗爲賊所拘尚  
書郎孟璫坐受金漏言皆棄市永康元年十  
二月丁丑桓帝崩太傅陳蕃大將軍竇武尚  
書令尹勲黃門令山冰等皆枉死太白犯心  
熒惑留守太微之應也  
孝靈帝建寧元年六月太白在西方入太微  
犯西蕃南頭星太微天廷也太白行其中宮



門當閉大將被甲兵大臣伏誅其八月太傅  
陳蕃大將軍竇武謀欲盡誅諸宦者其九月  
辛亥中常侍曹節長樂五官史朱瑀覺之矯  
制殺蕃武等家屬徙日南比景  
熹平元年十月熒惑入南斗中占曰熒惑所  
守爲兵亂斗爲兵其十一月會稽賊許昭聚  
衆自稱大將軍昭父生爲越王攻破郡縣  
二年四月有星出文昌入紫宮蛇行有首尾  
無身赤色有光炤垣墻八月丙寅太白犯心

前星辛未白氣如一匹練衝北斗第四星占  
曰文昌爲上將貴相太白犯心前星爲大臣  
後六年司徒劉群爲中常侍曹節所譖下獄  
死白氣衝北斗爲大戰明年冬揚州刺史臧  
旻丹陽太守陳寅攻盜賊苴康斬首數千級  
光和元年四月癸丑流星犯軒轅第二星東  
北行入北斗魁中八月彗星出亢北入天市  
中長數尺稍長至五六丈赤色經歷十餘宿  
八十餘日乃消於天苑中流星爲貴使軒轅



爲內宮北斗魁主殺流星從軒轅出抵北斗  
魁是天子大使將出有伐殺也至中平元年  
黃巾賊起上遣中郎將皇甫嵩朱雋等征之  
斬首十餘萬級彗除天市天帝將徙帝將易  
都至初平元年獻帝遷都長安  
三年冬彗星出狼弧東行至于張乃去張爲  
周地彗星犯之爲兵亂後四年京都大發兵  
擊黃巾賊

五年四月熒惑在太微中守屏七月彗星出

三台下東行入太微至太子幸臣二十餘日  
而消十月歲星熒惑太白三合於虛相去各  
五六寸如連珠占曰熒惑在太微爲亂臣是  
時中常侍趙忠張讓郭勝孫璋等並爲姦亂  
彗星入太微天下易主至中平六年宮車晏  
駕歲星熒惑太白三合於虛爲喪虛齊地明  
年琅邪王據薨  
光和中國皇星東南角去地一二丈如炬火  
狀十餘日不見占曰國皇星爲內亂外內有



兵喪其後黃巾賊張角燒州郡朝廷遣將討  
平斬首十餘萬級中平六年宮車晏駕大將  
軍何進令司隸校尉袁紹招募兵千餘人陰  
跣雒陽城外竊呼并列牧董卓使將兵至京  
都共誅中官對戰南北宮闕下死者數千人  
燔燒宮室遷都西京及司徒王允與將軍呂  
布誅卓部曲將郭汜李傕旋兵攻長安公  
卿百官吏民戰死者且萬入天下之亂皆自  
內發

中平二年十月癸亥客星出南門中大如半  
筵五色喜怒稍小至後年六月消占曰爲兵  
至六年司隸校尉袁紹誅滅中官大將軍部  
曲將吳匡攻殺車騎將軍何苗死者數千人  
三年四月熒惑逆行守心後星十月戊午月  
食心後星占曰爲大喪後三年而靈帝崩  
五年二月彗星出奎逆行入紫宮後三出六  
十餘日乃消六月丁卯客星如三升椀出貫  
索西南行入天市至尾而消占曰彗除紫宮



天下易主客星入天市爲貴人喪明年四月  
宮車晏駕中平中夏流星赤如火長三丈起  
河鼓入天市抵觸宦者星色白長二三丈後  
尾再屈食頃乃滅狀似枉矢占曰枉矢流發  
其宮射所謂矢當直而枉者操矢者邪枉人  
也中平六年大將軍何進謀盡誅中官於省  
中殺進俱兩破滅天下由此遂大壞亂  
六年八月丙寅太白犯心前星戊辰犯心中  
大星其日未冥四刻大將軍何進於省中爲

諸黃門所殺己巳車騎將軍何苗爲進部曲  
將吳匡所殺

孝獻初平二年九月蚩尤旗見長十餘丈色  
白出角亢之南占曰蚩尤旗見則王征伐四  
方其後丞相曹公征討天下且三十年  
四年十月孛星出兩角閒東北行入天市中  
而滅占曰彗除天市天帝將徙帝將易都  
是時上在長安後二年東遷明年七月至雒陽  
其八月曹公迎上都許



建安五年十月辛亥有星孛于大梁冀州分也時袁紹在冀列其年十一月紹軍爲曹公所破古曰七年夏紹死後曹公遂取冀州古曰九年十一月有星孛于東井輿鬼入軒轅太微古曰十一年正月星孛于北斗首在斗中尾貫紫宮及北辰占曰彗星掃太微宮入主易位其後魏文帝受禪古曰

十二年十月辛卯有星孛于鶉尾荆列分也時荆州牧劉表據荆州時益州從事周群以荆列牧將死而失土明年秋表卒以小子琮自代曹公將伐荆州琮懼舉軍詣公降古曰十七年十二月有星孛于五諸侯周群以爲西方專據土地者皆將失土是時益列牧劉璋據益州漢中太守張魯別據漢中韓遂據涼列宋建別據枹罕明年冬曹公遣偏將擊涼列十九年獲宋建韓遂逃于羌中病死其



後漢書志第十二  
年秋璋失益列二十年秋曹公攻漢中魯降  
十八年秋歲星鎮星熒惑俱入太微逆行留  
守帝坐百餘日占曰歲星入太微人主改  
二十三年三月孛星晨見東方二十餘日夕  
出西方犯歷五車東井五諸侯文昌軒轅后  
妃太微鋒炎指帝坐占曰除舊布新之象也  
殤帝延平元年九月乙亥隕石陳留四春秋  
僖公十六年隕石于宋五傳曰隕星也董仲  
舒以爲從高及下之象或以爲庶人惟星隕

民困之象也

桓帝延熹七年三月癸亥隕石右扶風一鄠  
又隕石二皆有聲如雷

後漢書志第十二

張泉同胡大用李荆安校正







周禮四時習兵因以田獵禮志曰天子不合  
圍諸侯不掩群過此則暴天物為不宿禽角  
南有天庫將軍騎官漢書音飲食不享鄭玄  
義曰遊田馳騁不反官室  
獻也禮志曰天子諸侯無事則歲三田一為  
乾豆二為賓客三為充君之庖周禮獸人冬  
獻狼夏獻麋春秋獻獸物此獻禮之大畧也  
注五行稱鄭玄曰皆出注大傳也漢書音義  
曰無獻出入不節鄭玄曰角為天門房  
享之禮鄭玄曰房心農時之候也季冬之月命  
農時鄭玄曰房心農時是時房心晨中春秋傳  
曰辰為農祥后及有姦謀鄭玄曰元為朝廷  
稷之所經緯也鄭玄曰君行此五者為逆  
出政則木不曲直鄭玄曰東宮之政東宮於地為  
之象木性或曲或直人所為器也無故生不  
暢茂多折槁是為木不曲直木金水火土謂

之五材春秋傳曰天生五材民並用之其政  
逆則祥怒神怒則材失性不為民用其他變  
異皆屬沴沴亦神怒凡神怒者日月五星既  
見適于天矣洪範木曰曲直孔安國曰木可  
以揉謂木失其性而為災也又曰貌之不恭  
是謂不肅鄭玄曰肅敬也君貌不恭則是  
咎狂鄭玄曰君臣不敬則倨慢如狂方儲對  
厥罰恒雨鄭玄曰貌曰木木主春春氣生生  
冬作土功發地藏則夏多暴雨秋雨厥極惡  
霖不止淮南子曰金不收則多淫雨  
孔安國曰醜陋特則有服妖鄭玄曰服時則有龜孽  
鄭玄曰龜蟲之生於水而游於春者屬木時則有雞禍鄭玄曰雞  
畜之有冠



翼者也屬貌洪範傳曰妖者敗胎也少小之類言其事之尚微也至孽則牙孽也至乎禍則著矣時則有下體生上之病鄭玄曰痾病也漢書音義曰若梁孝王之時牛足反出背上也此下欲伐上之禍時則有青

青

青祥鄭玄曰青木色也惟金沴木鄭玄

珍也凡貌言視聽思心一事失則逆入之心人心逆則怨木金水火土氣為之傷傷則衝

勝來乘珍之於神怒人怨將為禍亂故五行先見變異以譴告人也及妖孽禍痾皆祥

者也各以物象為之占也怪說云氣之相傷

謂之沴

尚書大傳曰凡六沴之作歲之朝月中之日中之朝日之朝則后王受之歲之夕月之夕日之夕則庶民受之鄭玄曰自正月盡四月為

歲之朝自五月盡八月為歲之中自九月盡十二月為歲之夕上旬為月之朝中旬為月之

之中下旬為月之夕平旦至食時為日之朝隅中至日跌為日之中晡時至黃昏為日之夕受之受其凶咎也大傳又云其二辰以次相將其次受之鄭玄曰二辰謂日月也假令歲之朝也日月中則上公受之日月夕則下公受之歲之中也日月朝則孤卿受之日月夕則大夫受之歲之夕也日月朝則上士受之日月中則下士受之其餘差以尊卑多少則悉矣管子曰明王有四禁春無殺伐無割大陵伐大木斬大山行大火誅大臣收穀賦錢夏無過水達名川塞大谷動土功射鳥獸秋無赦過釋罪緩刑冬無爵賞祿傷伐五藏故春政不禁則五穀不成夏政不禁則草木不榮秋政不禁則姦邪不勝冬政不禁則地氣不藏四者俱犯則陰陽不和風雨不時火流邑大風飄屋折樹木地草夭冬雷草木夏



落而秋蟲不藏宜死者生宜蟄者鳴多騰蟻  
蟲也六畜不蕃民多夭死國貧法亂逆氣下  
生故曰臺榭相望者亡國之簾也馳車充國  
者追察之馬也羣羽朱飾者斬生之斧也五  
采纂組者蕃功之室也明王知其然故遠而  
不近能去此取彼則王道備也續漢書曰建  
武二年尹敏上疏曰六沴作見若是供御帝  
用不差神則大喜五福乃降用章于下若不  
供御六罰既侵六極其下明供御則天報之  
福不供御則禍災至欲尊六事之體則貌言  
視聽思心之用治六事之揆以  
致乎太平而消除軼軻孽害也

建武元年赤眉賊率樊崇逢安等共立劉盆  
子爲天子然崇等視之如小兒百事自由初  
不恤錄也後正旦至君臣欲共饗既坐酒食

未下群臣更起亂不可整時大司農楊音案  
劔怒曰小兒戲尚不如此其後遂破壞崇安  
等皆誅死唯音爲關內侯以壽終

光武崩山陽王荆哭不哀作飛書與東海王  
勸使作亂明帝以荆同母弟太后在故隱之  
後徙王廣陵荆遂坐復謀反自殺也

章帝時竇皇后兄憲以皇后甚幸於上故人  
莫不畏憲憲於是強請奪沁水長公主田  
公主畏憲與之憲乃賤顧之後上幸公主田



覺之問憲憲又上言借之上以后故但譴勅  
之不治其罪後章帝崩竇太后攝政憲秉機  
密忠直之臣與憲忤者憲多害之其後憲兄  
弟遂皆被誅

桓帝時梁冀秉政兄弟貴盛自恣好驅馳過  
度至於歸家猶馳驅入門百姓號之曰梁氏  
滅門驅馳後遂誅滅內封心書然

和帝永元十年十三年十四年十五年皆淫

雨傷稼古今注曰光武建武六年九月大雨連月苗稼更生鼠巢樹上十七年維

陽暴雨壞民廬舍  
壓殺人傷害禾稼

安帝元年四年秋郡國十淫雨傷稼方儲對策曰雨

不持節妄  
賞賜也

永寧元年郡國三十三淫雨傷稼

建光元年京都及郡國二十九淫雨傷稼是

時荒反久未平百姓屯戍不鮮愁苦

延光元年郡國二十七淫雨傷稼按李傳陳忠奏以為

王侯二千石為女使伯  
榮獨拜車下柄在臣妾

二年郡國五連雨傷稼



順帝永建四年司隸荆豫兗冀部滎兩傷稼  
六年冀州滎兩傷稼

桓帝延熹二年夏霖雨五十餘日是時大將  
軍梁冀秉政謀害上所幸鄧貴人母宜冀又  
擅殺議郎邴尊上欲誅冀懼其持權日久威  
勢強盛恐有逆命害及吏民密與近臣中常  
侍單超等圖其方略其年八月冀卒伏罪誅  
滅案公沙穆傳永壽元年霖雨  
大水三輔以東莫不湮沒  
靈帝建寧元年夏霖雨六十餘日是時大將

軍竇武謀變廢中官其年九月長樂五官吏

朱瑀等共與中常侍曹節起兵先誅武交兵

闕下敗走追斬武兄弟死者數百人案武死  
無兄弟

有兄

熹平元年夏霖雨七十餘日是時中常侍曹

節等共誣曰勃海王悝謀反其十月誅悝

中平六年夏霖雨八十餘日是時靈帝新棄

群臣大行尚在梓宮大將軍何進與佐軍校

尉袁紹等共謀欲誅廢中官下文陵畢中常



侍張讓等共殺進兵戰京都死者數千  
更始諸將軍過雒陽者數十輩皆幘而衣婦  
人衣繡擁髀時智者見之以爲服之不中身  
之災也乃奔入邊郡避之是服妖也其後更  
始遂爲赤眉所殺

桓帝元嘉中京都婦女作愁眉啼粧隨馬髻  
折要步齟齬笑所謂愁眉者細而曲折啼粧  
者薄拭目下若啼處隨馬髻者作一邊

曰冀婦女又  
有不聊生髻

折要步者足不在體下齟齬笑

梁冀  
別傳

者若齒痛樂不欣欣始自大將軍梁冀家所  
爲京都欵然諸夏皆放效此近服妖也梁冀  
二世上將婚嬖王室大作威福將危社稷天  
譴若曰兵馬將往收捕婦女憂愁蹙眉啼泣  
吏卒掣頰折其要脊令髻傾邪雖強語笑無  
復氣味也到延熹二年舉宗誅夷  
延熹中梁冀誅後京都幘顏短耳長短上長  
下時中常侍單超左悺徐璜具瑗唐衡在帝  
左右縱其姦慝海內愠曰一將軍死五將軍



出家有數侯子弟列布列郡賓客雜襲騰翥  
上短下長與梁冀同占到其八年桓帝因日  
蝕之變乃拜故司徒韓寅為司隸校尉以次  
誅鉅京都正清臣昭案本傳寅誅左悺貶具  
瑗雖剋折姦首群閹相蒙京  
都未為  
正清  
延熹中京都長者皆著木屐婦女始嫁至作  
漆畫五采為系此服妖也到九年黨事始發  
傳黃門北寺臨時惶惑不能信天任命多有  
逃走不就考者九族拘繫及所過歷長少婦

女皆被桎梏應木屐之象也  
靈帝建寧中京都長者皆以葦方笥為粧具  
下士盡然時有識者竊言葦方笥郡國讞箠  
也今珍用之此天下人皆當有罪讞於理官  
也到光和三年癸丑赦令詔書吏民依黨禁  
錮者赦除之有不見文他以類比疑者讞於  
是諸有黨郡皆讞廷尉人名悉入方笥中  
靈帝好胡服胡帳胡牀胡坐胡飯胡莖侯胡  
笛胡舞京都貴戚皆競為之此服妖也其後



董卓多擁胡兵填塞街衢虜掠宮掖發掘園陵  
靈帝於宮中西園駕四白驢躬自操轡驅馳  
周旋以爲大樂於是公卿貴戚轉相放效至  
乘輜輶以爲騎從互相侵奪賈與馬齊案易  
曰時乘六龍以御天行天者莫若龍行地者  
莫如馬詩云四牡騤騤載是常服檀車煌煌  
四牡彭彭夫驢乃服重致遠上下山谷野人  
之所用耳何有帝王君子而驂服之乎遲鈍

之畜而今貴之天意若曰國且大亂賢愚倒

植凡執政者皆如驢也其後董卓陵虐王室

多援邊人以充本朝胡夷異種跨踏中國

熹平中省内冠狗帶綬以爲笑樂有一狗突

出走入司徒府門或見之者莫不驚怪

袁松書曰光和四年又於西園弄狗以配人也京房易傳曰君不正臣欲

篡厥妖狗冠出後靈帝寵用便嬖子弟求樂

賓客鴻都群小傳相汲引公卿牧守比肩是

也又遣御史於西邸賣官關內侯顧五百萬



者賜與金紫詣闕上書占令長隨縣好醜豐約有賈強者貪如豺虎弱者略不類物實狗而冠者也司徒古之丞相壹統國政天戒若曰宰相多非其人尸祿素餐莫能據正持重阿意曲從今在位者皆如狗也故狗走入其門應劭曰靈帝數以車騎將軍過拜孽臣內孽又贈亡人顯號加於頑凶印綬汗於腐屍皆幸有睹被髮之祥知其為我今假號雲集不亦宜乎

靈帝數遊戲於西園中今後宮采女為客舍主人身為商賈服行至舍采女下酒食因共

飲食以為戲樂此服妖也其後天下大亂風俗

通曰時京師賓婚嘉會皆作魁柵酒酣之後續以挽歌魁柵喪家之樂挽歌執紼相偶和之者天戒若曰國家當急殄悴諸貴樂皆死亡也自靈帝崩後京師壞滅戶有兼屍蟲而相食魁柵挽歌斯之效乎

獻帝建安中男子之衣好為長躬而下甚短女子好為長裙而上甚短時益州從事莫嗣以為服妖是陽無下而陰無上也天下未欲平也後還遂大亂袁崧曰禪位於魏

靈帝光和元年南宮侍中寺雌雞欲化雄一



身毛皆似雄但頭冠尚未變詔以問議郎蔡邕邕對曰貌之不恭則有雞禍

宣帝黃龍元年未央宮雌雞化爲雄不鳴無距是歲元帝初即位立王皇后至初元元年丞相史家雌雞化爲雄冠距鳴將是歲后父禁爲平陽侯女立爲皇后至哀帝晏駕后攝政王莽以后兄子爲大司馬由是爲亂臣竊推之頭元首人君之象今雞一身已變未至於頭而上知之是將有其事而不遂成之象

也若應之不精政無所改頭冠或成爲患茲大是後張角作亂稱黃巾遂破壞四方疲於賦役多叛者上不改政遂至天下大亂桓帝永興二年四月丙午光祿勳吏舍壁下夜有青氣視之得玉鉤玦各一鉤長七寸二分周五寸四分身中皆雕鏤此青祥也五金類也七寸二分商數也五寸四分徵數也商爲臣徵爲事蓋爲人臣引決事者不肅將有禍也是時梁冀秉政專恣後四歲梁氏誅滅



也

延熹五年太學門無故自壞襄楷以為太學

前疑所居

本傳楷書無前疑之言也

其門自壞文德將喪

教化廢也是後天下遂至喪亂

永康元年十月壬戌南宮平城門內屋自壞

金沴木木動也其十二月宮車晏駕

靈帝光和元年南宮平城門內屋武庫屋及

外東垣屋前後頓壞蔡邕對曰平城門正陽

之門與宮連郊祀法駕所由從出門之最尊

者也武庫禁兵所藏東垣庫之外障易傳曰

小人在位上下咸悖厥妖城門內崩潛潭巴

曰宮瓦自墮諸侯強陵主此皆小人顯位亂

法之咎也其後黃巾賊先起東方庫兵大動

皇后同父兄何進為大將軍同母弟苗為車

騎將軍兄弟並貴盛皆統兵在京都其後進

欲誅廢中官為中常侍張讓段珪等所殺兵

戰宮中闕下更相誅滅天下兵大起

三年二月公府駐駕廡自壞南北三十餘間



中平二年二月癸亥廣陽城門外上屋自壞也

獻帝初平二年三月長安宜平城門外屋無

故自壞至三年夏司徒王允使中郎將呂布

殺太師董卓夷三族袁崧曰李傕等攻破長安城害允等

興平元年十月長安市門無故自壞至二年

春李傕郭汜鬪長安中傕迫劫天子移置傕

塢盡燒宮殿城門官府民舍放兵寇鈔公卿

以下冬天子東還雒陽傕汜追上到曹陽虜

掠乘輿輜重殺光祿勳鄧淵廷尉宣璠少府

田邠等數十人五行傳曰好攻戰鄭玄注曰參伐為武

府收戰之象輕百姓鄭玄注曰輕之者不重民命春秋傳曰師出不正反戰不

正勝也飾城郭鄭玄注曰天街保塞孔塗道衢保塞

城郭之象也月侵邊境鄭玄注曰畢則金不從

革鄭玄注曰君行此四者為逆天西宮之政

器者也無故冶之不銷或入火飛亡或鑄之

裂形是為不從革其他變異皆屬沴也洪範

亦不從謂金失其性而為災也又曰言之不

人意從革作辛馬融曰金之性從人而更可銷鑠也漢書音義曰言人君言不見從則金鐵



從是謂不火鄭玄注曰又治也君言不能治其事也厥咎

僭鄭玄曰君臣不厥罰恒陽鄭玄曰金主秋

故常陽也春秋考異郵曰君行非是則言不見從言不見從則下不治下不治則僭差過

制度奢侈驕泰天子僭天大夫僭人主諸侯

之推設其跡考之天意則大旱不雨而民厥

極憂鄭玄曰殺氣失時則有詩妖鄭玄曰詩

時則有介蟲之孽鄭玄曰燧蝻蝻蟬之類生

時則有大禍鄭玄曰大畜之以時則有口舌

之疴鄭玄曰言時則有白眚白祥惟木沴金

介蟲劉歆傳以為毛蟲又治也

安帝永初元年十一月民訛言相驚司隸并

冀州民人流移時鄧太后專政婦人以順為

道故禮夫死從子之命今專王事此不從而

僭也古今注曰章帝建初五年東海魯國東

至京師民皆入城也

世祖建武古今注曰建武三年七月雒陽五

年夏旱京房傳曰欲德不用茲謂張厥災荒

其旱陰雲不雨變而赤因四陰衆出過時茲



謂廣其旱不生上下皆蔽茲謂隔其旱天赤

三月時有電殺飛禽上綠求妃茲謂僭其旱

三月六温亡雲君高臺府茲謂犯陰侵陽其

旱萬物根死有火災度位踰節茲謂僭其旱

澤物枯為火所傷春秋考異郵曰國大旱冤

君上失制奢淫僭差氣亂感天則旱徵見又

云陰厭陽移君淫民惡陰精不舒陽偏不施

又云陽偏民怨徵也在所以感之者上奢則

求多求多則下竭下竭則饋君不仁管子曰

春不收枯骨伐枯木而起去之則夏旱方儲

對策曰百姓苦士卒煩碎責租稅失中暴師

外營經歷三時內有怨女外有曠夫王者熟

推其祥揆合於天圖之事情旱災可除夫旱

者過日天王無意於百姓恩德

不行萬民煩擾故天應以無澤

**是時天下僭**

**逆者未盡誅軍多過時**古今注曰建武六年

五月二十一年六月明帝永平元年五月八

年冬十一年八月十五年八月十八年三月

並早

**章帝章和二牟夏旱時章帝崩後竇太后兄**

**弟用事奢僭**古今注曰建初二年夏維陽旱

終傳建初元年大旱殺貴終以為廣陵楚淮

陽濟南之獄徙者數萬人吏民怨曠上疏云

父旱孔叢曰建初元年大旱天子憂之侍御

史孔子豐乃上疏曰臣聞為不善而災報得

其應也為善而災至遭時運也陛下即位日

淺視民如傷而不幸耗旱時運之會耳非政



教所致也昔成湯遭旱因自責省畋散積減  
御損食而大有年意者陛下未為成湯之事  
焉天子納其言而從之三日雨  
即降轉拜黃門郎典東觀事

和帝永元六年秋京都旱時雒陽有冤囚和

帝幸雒陽寺錄囚徒理冤囚牧令下獄抵罪

行未還宮澍雨降古今注曰永元二年郡國

二十二並旱或傷稼安帝古今注曰永初元

年郡國八旱分遣議郎請雨案本紀二年五

月旱皇太后幸雒陽寺錄囚徒即日降雨六

月京都及郡國四十大水雖去旱得水無救

永初六年夏旱古今註曰三年郡國

八四年五年夏並旱

七年夏旱

元初元年夏旱

二年夏旱

三年夏旱特西羌寇亂

六年夏旱

古今注曰建光元年郡國四旱

順帝永建二年夏旱

五年夏旱

陽嘉二年夏旱時李固對策以為奢僭所致

也臣昭案本紀元年二月京師旱郎顛傳人

君恩澤不施於民祿去公室臣下專權所  
致也又周舉傳三年河南二輔大旱五穀  
傷災天子親自露坐陽德殿東廂請雨



冲帝永嘉元年夏旱時冲帝幼崩太尉李固  
勸太后及兄梁冀立嗣帝擇年長有德者天  
下賴之則功名不朽年幼未可知如後不善  
悔無所及時太后及冀貪立年幼欲久自專  
遂立質帝八歲此不用德古今注曰本初元  
年二月京師旱  
桓帝元嘉元年夏旱是時梁冀秉政妻子並  
受封寵踰節

延熹元年六月旱

京房占曰人君無施澤惠  
利於下則致旱也不赦必  
蝗蟲害穀其救也貫謫罰行寬大惠兆民勞  
功吏賜鰥寡稟不足案陳蕃上疏宮女多聚

不御憂悲之感以致水旱之困也

靈帝熹平五年夏旱

蔡邕作伯夷叙齊碑曰  
熹平五年天下大旱禱

請名山求獲荅應時處士平陽蘇騰字玄成  
夢陟首陽有神馬之使在道明覺而思之以  
其夢陟狀上聞天子開三府請雨使者與郡  
縣戶曹掾吏登出升祠手書要曰君況我聖  
主以洪澤之福天尋  
興雲即降甘雨也

六年夏旱

光和五年夏旱

六年夏旱是時常侍黃門僭作威福  
獻帝興平元年秋長安旱是時李傕郭汜專



權縱肆

獻帝起居注曰建安十九年夏四月旱

更始時南陽有童謠曰諧不諧在赤眉得不  
得在河北是時更始在長安世祖爲大司馬  
平定河北更始大臣並僭專權故謠妖作也  
後更始遂爲赤眉所殺是更始之不諧在赤  
眉也世祖自河北興

世祖建武六年蜀童謠曰黃牛白腹五銖當  
復是時公孫述僭號於蜀時人竊言王莽稱  
黃述欲繼之故稱曰五銖漢家貨明當復也

述遂誅滅王莽末天水童謠曰出吳門望緹  
群見一蹇人言欲上天今天可上地上安得  
民時隗囂初起兵於天水後意稍廣欲爲天  
子遂被滅囂少病蹇吳門翼郭門名也緹群  
山名也

順帝之末京都童謠曰直如弦死道邊曲如  
鉤反封侯案順帝即位孝質短祚大將軍梁  
冀貪樹疏幼以爲已功專國號令以贍其私  
太尉李固以爲清河王雅性聰明敦詩悅禮



加又屬親立長則順置善則固而冀建白太  
后策免固徵蠡吾侯遂即至尊固是日幽斃  
于獄暴屍道路而太尉胡廣封樂鄉侯司徒  
趙戒廚亭侯司空袁湯安國亭侯云  
桓帝之初天下童謠曰小麥青青大麥枯誰  
當獲者婦與姑丈人何在西擊胡吏買馬君  
具車請為諸君鼓隴胡案元嘉中涼州諸羌  
一時俱反南入蜀漢東抄三輔延及并冀大  
為民害命將出衆每戰常負中國益發軍卒

麥多委棄但有婦女獲刈之也吏買馬君具  
車者言調發重及有秩者也請為諸君鼓隴  
胡者不敢公言私咽語

桓帝之初京都童謠曰城上烏尾畢逋公為  
吏子為徒一徒死百乘車車班班入河閒河  
閒媼女工數錢以錢為室金為堂石上慊慊  
舂黃梁梁下有懸鼓我欲擊之丞卿怒案此  
皆謂為政貪也城上烏尾畢逋者處高利獨  
食不與下共謂人主多聚斂也公為吏子為



徒者言蠻夷將畔逆父既為軍吏其子又為卒徒往擊之也一徒死百乘車者言前一入

往討胡既死矣後又遣百乘車往臣昭曰志家此釋豈

未盡乎往徒一死何用百乘其後驗竟為靈帝作此言一徒似存桓帝帝貴任群閣參委

機政左右前後莫匪刑人有同囚徒之長故言寄一徒也且又弟則廢黜身無嗣魁然單

獨非一而何百乘車者乃國之君解犢後徵正膺斯數繼以班班無得以類焉車班

班入河閒者言上將崩乘輿班班入河閒迎

靈帝也應劭釋此句云徵靈帝者輪班擁節入河閒也河閒姤女工

數錢一本作妖女以錢為室金為堂者靈帝既立

其母永樂太后好聚金以為堂也石上慊慊

春黃梁者言永樂雖積金錢慊慊常若不足

使人春黃梁而食之也梁下有懸鼓我欲擊

之丞卿怒者言永樂主教靈帝使賣官受錢

所祿非其人天下忠篤之士怨望欲擊懸鼓

以求見丞卿主鼓者亦復諂順怒而止我也

桓帝之初京都童謠曰游平賣印自有平不

辟豪賢及大姓案到延熹之末鄧皇后以譴

自殺乃以竇貴人代之其父名武字游平拜



城門校尉及太后攝政為大將軍與太傅陳  
蕃合心戮力惟德是建印綬所加咸得其人  
豪賢大姓皆絕望矣

桓帝之末京都童謠曰茅田一項中有井四

方纖纖不可整嚼復嚼今年尚可後年饒風俗

通作案易曰拔茅茹以其彙征吉茅喻群賢

也井者法也于時中常侍管霸蘇康憎疾海

內英哲與長樂少府劉囂太常許永尚書柳

分袁崧書曰柳分權豪尋穆史佟佟後亦為

之黨為范滂所奏者司隸應劭

曰史修左官司隸唐珍等代作脣齒河內牢

川詣闕上書汝潁南陽上采虛譽專作威福

甘陵有南北二部三輔尤甚由是博考黃門

北寺始見廢閣茅田一項者言群賢衆多也

中有井者言雖阨窮不失其法度也四方纖

纖不可整者言姦慝大熾不可整理嚼復嚼

者京都飲酒相強之辭也言食肉者鄙不恤

王政徒耽宴飲歌呼而已也今年尚可者言

但禁錮也後年饒者陳竇被誅天下大壞



桓帝之末京都童謠曰白蓋小車何延延河  
 閒來合諧河閒來合諧案解犢亭屬饒陽河  
 閒縣也臣昭案郡國志饒陽本屬涼後屬安  
平靈帝既是河閒王曾孫謠言自是  
有徵無侯明河居無幾何而桓帝崩使者與  
閒之縣為驗解犢侯皆白蓋車從河閒來延延眾貌也是  
 時御史劉儵建議立靈帝以儵為侍中中常  
 侍侯覽畏其親近必當閒已白拜儵泰山太  
 守因令司隸迫促殺之朝廷少長思其功效  
 乃拔用其弟郃致仕司徒此為合諧也

靈帝之末京都童謠曰侯非侯王非王千乘  
 萬騎上北芒案到中平六年史侯登躡至尊  
 獻帝未有爵號為中常侍段珪等數十人所  
 執公卿百官皆隨其後到河上乃得來還此  
 為非侯非王上北芒者也英雄記曰京師謠  
歌咸言河臘叢進  
獻帝臘日生也風俗通曰烏臘烏臘案逆臣  
董卓滔天虐民窮凶極惡關東舉兵欲共誅  
之轉相顧望莫肯先進處處停兵  
數十萬若烏臘蟲相隨橫取之矣  
 靈帝中平中京都歌曰承樂世董逃遊四郭  
 董逃蒙天恩董逃帶金紫董逃行謝恩董逃



整車騎董逃垂欲發董逃與中辭董逃出西

門董逃瞻宮殿董逃望京城董逃日夜絕董

逃心摧傷董逃楊孚卓傳曰案董謂董卓也

言雖跋扈終其殘暴終歸逃竄至於滅族也

風俗通曰卓以董逃之歌主為已發大禁絕

之死者千數靈帝之末禮樂崩壞賞刑失中

毀譽無驗競飾偽服以盪典制遠近翕然咸

名後生放聲者為時人有識者竊言舊曰世

人次曰俗人今更曰時人此天促

其期也其間無幾天下大壞也

獻帝踐祚之初京都童謠曰千里草何青青

十日卜不得生案千里草為董十日卜為卓

凡別字之體皆從上起左右離合無有從下

發端者也今二字如此者天意若曰卓自下

摩上以臣陵君也青青者暴盛之貌也不得

生者亦旋破亡獻帝初童謠曰燕南垂趙北

際中央不合大如礪唯有此

中可避世公孫瓚以為易地當之遂徙鎮焉

乃修城積穀以待天下之變建安三年袁紹

攻瓚瓚大敗縊其姊妹妻子引火自焚紹兵

趣登臺斬之初瓚破黃巾殺劉虞乘勝南下

侵據齊地雄威大振而不能開廓遠圖欲以

堅城觀時坐聽圍戮斯亦自易地而去世也

建安初荆州童謠曰八九年閒始欲衰至十

三年無子遺言自中興以來荆列無破亂及



劉表為牧又豐樂至此逮八九年當始衰者  
謂劉表妻當死諸將並零落也十三年無子  
遺者言十三年表又當死民當移詣冀州也  
于寶搜神記曰是時華容有女子忽啼呼云  
有大喪言語過差縣以為妖言繫獄百餘日  
忽於獄中哭曰劉荆州今日死華容去數  
日即遣馬吏驗視表果死縣乃出之續又歌  
吟曰不意李立為貴人後無幾曹公平  
荆州以涿郡李立字建賢為荆州刺史

順帝陽嘉元年十月中望都蒲陰狼殺童兒  
九十七人時李固對策引京房易傳曰君將  
無道害將及入去之深山全身厥災狼食人

陛下覺寤比求隱滯故狼災息 東觀書曰中山相朱遂到

官不出奉祠北嶽詔曰災暴緣類符驗不虛  
政失厥中狼災為應至乃殘食孩幼朝廷愍  
悼思惟咎徵博訪其故山嶽尊靈國吁望秩  
而遂比不奉祠怠慢廢典不務懇惻淫刑放  
盜害加孕婦毒流未生感和致災其詳  
思改赦追復所失有不遵憲舉正以聞

靈帝建寧中群狼數十頭入晉陽南城門嚙

入 袁崧書曰見和三年正月虎見平樂觀又  
見憲陵上齧衛士蔡邕封事曰政有苛暴  
則虎狼  
食人







后妃屬南宮其大星女主之象也則火不炎上鄭

位女御在前妾為妻之象也鄭

日君行此四者為逆天南宮之政南宮於地

為火火性炎上然行人所用烹飪者也無故

因見作熱燔熾為害是為火不炎其上他變

異皆屬沴春坎弓異郵曰火者陽之精也人

合天氣五行陰陽極陰反陽極陽生陰故應

人行以災不祥在所以感之萌應轉旋從逆

也殊謂火失其性而為災也又曰視之不明

是謂不愆鄭玄曰視瞭也君視不明則是厥

咎舒識曰君舒怠臣下有倦白黑不別賢不

鄭玄曰君臣不能憂民急氣為之舒緩草不搖

瞭則舒緩矣厥罰常燠鄭玄曰視曰火火

失故厥極疾鄭玄曰長氣失時則有草妖鄭

常燠厥極疾故於人為疾鄭玄曰長氣失

時則有草妖鄭玄曰長氣失

日草視之物可時則有羸蟲之孽鄭玄曰蚤

見者莫衆於草鄭玄曰羊畜之類

蟲之生於火而時則有羊禍鄭玄曰羊畜之

藏於秋者也鄭玄曰羊畜之類

時則有赤眚赤祥惟水沴火羸蟲劉歆傳以

為羽蟲

建武中漁陽太守彭寵被徵書至明日潞縣



遂反叛攻浮卒誅滅

古今注曰建武六年十一月

年正月戊子雷雨霹靂火災高廟北門明帝

永平元年六月己亥桂陽見火飛來燒城寺

章帝建初元年十二月北宮火燒壽安殿延

及右掖門元和三年六月丙午雷雨火燒北

宮朱爵

西闕

和帝永元八年十二月丁巳南宮宣室殿火

是時和帝幸北宮竇太后在南宮明年竇太

后崩

十三年八月己亥北宮盛饌門閣火是時和

帝幸鄧貴人陰后寵衰怨恨上有欲廢之意

明年會得陰后挾偽道事遂廢遷于桐宮以

憂死立鄧貴人爲皇后

十五年六月辛酉漢中城固南城門災此孝

和皇帝將絕世之象也其後二年宮車晏駕

殤帝及平原王皆早夭折和帝世絕

安帝

古今注曰永初元年十二月河南郡縣

火燒殺百五人六年河南郡縣又失火

燒五百八十四人永初二年四月甲寅漢陽河陽城

中失火燒殺三千五百七十人先是和帝崩

有皇子二人皇子勝長鄧皇后貪殤帝少欲



自養長立之延平元年殤帝崩勝有疾不  
薦群臣咸欲立之太后以前既不立勝遂更  
立清河王子是為安帝司空周章等心不掩  
服謀欲誅鄧氏廢太后安帝而更立勝元年  
十一月事覺章等被誅其後涼列叛羌為害  
太甚涼列諸郡寄治馮翊扶風界及太后崩  
鄧氏被誅

四年三月戊子杜陵園火元初四年二月壬  
戌武庫火東觀書曰燒兵物百二是時羌叛

大為寇害發天下兵以攻禦之積十餘年未  
已天下厭苦兵役

延光元年八月戊子陽陵園寢殿火凡災發  
子先陵此太子將廢之象也若曰不當廢太  
子以自翦如火不當害先陵之寢也明年上  
以讒言廢皇太子為濟陰王後二年官車晏  
駕中黃門孫程等十九人起兵殿省誅賊臣  
立濟陰王

四年秋七月乙丑漁陽城門樓災



順帝永建三年七月丁酉茂陵園寢災注古今日

年五月戊辰守宮失火燒宮藏財物盡四年河南郡縣失火燒人六畜

陽嘉元年恭陵廡災及東西莫府火古今注

月河南郡國火燒廡舍殺人太尉李固以為奢僭所致陵

之初造禍及枯骨規廣治之尤飾又上欲更

造宮室益臺觀故火起莫府燒材木

永和元年十月丁未承福殿火臣昭案揚厚傳是災先

是爵號阿母宋娥為山陽君后父梁商本國

侯又多益商封商長子翼當繼商爵以商生

在復更封翼為襄邑侯追號后母為開封君

皆過差非禮古今注曰六年十二月雒陽焚此

漢安元年三月甲午雒陽劉漢等百九十七

家為火所燒東觀書曰其九千家不自存詔賜錢廩穀古今注曰火或從室

屋間物中不知所從起數後四年宮車比三

晏駕建和元年君位乃定

桓帝建和二年五月癸丑北宮掖庭中德陽

殿火及左掖門先是梁太后兄翼挾姦枉以

故太尉李固杜喬正直恐害其事令人誣奏



固喬而誅滅之是後梁太后崩而梁氏誅滅  
 延熹四年正月辛酉南宮嘉德殿火戊子丙  
 署火二月壬辰武庫火五月丁卯原陵長壽  
 門火先是亳后因賤人得幸號貴人為后上  
 以后母宜為長安君封其兄弟愛寵隆崇又  
 多封無功者去年春白馬令李雲坐直諫死  
 至此彗除心尾火連作  
 五年正月壬午南宮丙署火四月乙丑恭北  
 陵東闕火戊辰虎賁掖門火五月康陵園寢

火甲申中藏府承祿署火七月己未南宮承  
 善闈內火

六年四月辛亥康陵東署火七月甲申平陵  
 園寢火

八年二月己酉南宮嘉德署黃龍千秋萬歲  
 殿皆火四月甲寅安陵園寢火閏月南宮長  
 秋和歡殿後鈎者掖庭朔平署各火十一月  
 壬子德陽前殿西閣及黃門北寺火殺人

書曰是特連月有火災諸宮寺或一日再三  
 發又夜有訛言擊鼓相驚陳蕃劉智茂上疏



諫曰古之火皆君弱臣強極陰之變也前始春而獄刑慘故火不炎上崩入春節連寒水冰暴風折樹又八九州郡並言陰霜殺春秋晉執李孫行父木為之冰夫氣弘則景星見化錯則五星開日月蝕災為已然異為方來恐卒有變必於三朝唯善政可以已之願察臣前言不棄恩忠則元元幸甚書奏不省

九年三月癸巳京都夜有火光轉行民相驚

諫袁崧書曰是時宦豎專朝鉤黨事起上尋無嗣陳蕃竇武為曹節等所害天下無復

綱紀

靈帝熹平四年五月延陵園災

光和四年閏月辛酉北宮東掖庭永巷署災

陳蕃諫云楚女悲而西宮災不御宮女怨之所致也

五年五月庚申德陽前殿西北入門內永樂

太后宮署火

中平二年二月巳西南宮雲臺災庚戌樂城

門災南宮中延及北闕道西燒嘉德和歡殿案

雲臺之災自上起檉題數百同時並然若就

縣華鎿其日燒盡延及白虎威興門尚書符

節蘭臺丈雲臺者乃周家之所造也圖書術

籍珍玩寶怪皆所藏在也京房易傳曰君不



魏志十四  
思道厥妖火燒宮是時黃巾作慝變亂天常  
七列二十八郡同時俱發命將出衆雖頗有  
所禽然宛廣宗曲陽尚未破壞役起負海杼  
袖空懸百姓死傷已過半矣而靈帝曾不克  
已復禮虐侈滋甚尺一兩布騶騎電激官非  
其人政以賄成內嬖鴻都並受封爵京都爲  
之語曰今茲諸侯歲也天戒若曰放賢賞滛  
何以舊典爲故焚其臺門秘府也其後三年  
靈帝暴崩續以董卓之亂火三日不絕京都

爲立墀矣

魏志曰魏明帝青龍二年崇華殿

災詔問太史令高堂隆此何咎於禮寧有祈禳之義乎對曰夫災變之發皆所以明教誡也唯率禮修德可以勝之易傳曰上不儉下不節孽火燒其室又曰君高其臺天火爲災此人君苟飾宮室不知百姓空竭故天應之以旱火從高殿起也上天降監故譴告陛下陛下宜增崇人道以答天意昔太戊有桑穀生於朝武丁有雉雉登於鼎皆聞災恐懼側身修德三年之後遠夷朝貢故號曰中宗高宗此則前代之明鑒也今案舊占災火之發皆以臺榭宮室爲戒然今宮室之所以充廣者實由宮人猥多之故宜簡擇留其淑懿如周之制能省其餘此則祖乙之所聞漢武帝時栢梁災而起宮殿以厭之其義云何對曰臣聞西京栢梁既災越巫陳方建章是營以厭火祥乃夷越之巫所爲非聖賢



之明訓也五行志曰栢梁災其後有江充巫  
蠱衛太子事如志之言越巫建章無所厭也  
孔子曰災者修類應行精侵相感以戒人君  
是以聖主觀災責躬退以修德以消復之今  
宜罷散民役宮室之制務從約節內足以待  
風雨外足以講禮儀清掃所災之處不敢於  
此有所立作萑莆嘉禾必生此地以報陛下  
虔恭之德疲民之力竭民之財實非所以致  
符瑞而懷遠人也臣昭曰高堂隆之言災其  
得天心乎雖與本志所明不同靈帝之時有  
焉故載其言  
廣災異以

獻帝初平元年八月霸橋災其後三年董卓

見殺臣昭案劉焉傳興平元年天火燒其

庶徵之恒燠漢書以冬溫應之中興以來亦

有冬溫而記不錄云

越記范蠡曰春燠而不

寒而不長者臣下不奉主令也秋暑而復榮者百官刑不斷也冬溫而泄者發府庫賞無功也此四者邦之禁也管子曰臣乘君威則陰侵陽盛勢雪降冬不冰也

安帝元初三年有瓜異本共生一瓜同蒂時

以爲嘉瓜或以爲瓜者外延離本而實女子

外屬之象也是時閹皇后初立後閹后與外

親耿寶等共譖太子廢爲濟陰王更外迎濟

北王子犢立之草妖也古今注曰和帝永元

舍柱生兩枝其一長尺五寸分爲八枝其一長尺六寸分爲五枝皆青也



桓帝延熹九年雒陽城局竹栢葉有傷者占曰天子凶

靈帝熹平三年右校別作中有兩樗樹皆高四尺所其一株宿夕暴長長丈餘大圍作

胡人狀頭目鬢鬚髮備具京房易傳曰王德衰下人將起則有木生人狀

臣昭以木生人狀下人將起京房之占雖以證驗貌類胡人猶未辨了董卓之亂實擁胡兵惟汜之時充斥尤甚遂窺聞宮嬪剽害百姓鮮卑之併踐藉畿封胡之害深亦已毒矣

五年十月壬午御所居殿後槐樹皆六七圍

自拔倒豎根在上臣昭曰槐是三公之象貴之也靈帝授位不以德進

貪愚是升清賢斯黜槐之倒植豈以斯乎中平元年夏東郡陳留濟陽長垣濟陰冤句

離狐縣界風俗通曰西及城有草生其莖靡纍腫大如手指狀似鳩雀龍蛇鳥獸之形五

色各如其狀毛羽頭目足翅皆具風俗通曰亦作人狀近草妖也是歲黃巾

操持兵弩萬萬備具非但彷彿類良熟然也賊始起皇后兄何進異父兄朱苗皆為將軍領兵後苗封濟陽侯進苗遂秉威權持國柄



漢遂微弱自此始焉應劭曰關東義兵先起

橋瑁負眾怙亂陵蔑同盟忿嫉同類以殲厥

命陳留濟陰迎助謂為離德棄好即我吏民

殲之草妖之興豈不或信

中平中長安城西北六七里空樹中有人面

生鬢魏志曰建安二十五年正月曹公在維

梨根傷而血出曹公惡之遂寢疾是月薨

獻帝興平元年九月桑復生椹可食臣昭曰

椹誠是木異必在濟民安知非瑞乎時蒼生

死敗周秦戮盡饑魂餒鬼不可勝言食此重

椹大拯危命雖連埋附枝木不能及若以為

怪則建武野穀旅生麻菽尤盛復是草妖邪

安帝延光三年二月戊子有五色大鳥集濟

南臺十月又集新豐時以為鳳凰或以為鳳

凰陽明之應故非明主則隱不見凡五色大

鳥似鳳者多羽蟲之孽是時安帝信中常侍

樊豐江京阿母王聖及外屬耿寶等讒言免

太尉楊震廢太子為濟陰王不愆之異也章

帝末號鳳凰百四十九見時直臣何敞以為

羽孽似鳳翱翔殿屋不察也臣昭曰已論記

者以為其後章帝崩以為驗案宣帝明帝時



五色鳥群翔殿屋賈逵以為胡降徵也帝多善政雖有過不及至衰缺末年胡降二十萬口爾其驗也帝之時羌胡外叛讒慝內興羽孽之時也樂叶圖徵說五鳳皆五色為瑞者一為孽者四

叶圖徵曰似鳳有四並為妖一禮膺仁負智至則旱役之感也二曰發明鳥喙大頸大翼大脰身仁戴智嬰義膺信負禮至則喪之感也三曰焦明長喙疏翼圓尾身義戴信嬰仁膺智負禮至則水之感也四曰必昌銳月小頭大身細足脰若鱗葉身智戴信負禮膺仁至則旱之感也國語曰周之興也鸞鷲鳴岐說文曰五方神鳥東方曰發明南方曰焦明西方曰鸞鷲北方曰幽昌中央

日鳳

桓帝元嘉元年十一月五色大鳥見濟陰已

氏時以為鳳凰此時政治衰缺梁冀秉政阿

枉上幸亳后皆羽孽時也臣昭案魏朗對策桓帝時雉入太常

宗正府朗說見本傳注

靈帝光和四年秋五色大鳥見于新城眾鳥

隨之時以為鳳凰時靈帝不恤政事常侍黃

門專權羽孽之時也眾鳥之性見非常班駁

好聚觀之至於小爵希見梟者或見猶聚



中平三年八月中懷陵上有萬餘爵先極悲  
鳴已因亂鬪相殺皆斷頭懸著樹枝枳棘到  
六年靈帝崩大將軍何進以內寵外嬖積惡  
日又欲悉糾黜以隆更始元政而太后持疑  
事久不決進從中出於省內見殺因是有司  
盪滌虔劉後祿而尊厚者無餘矣夫陵者高  
大之象也天戒若曰諸懷爵祿而尊厚者還  
自相害至滅亡也古今注曰建武九年六郡  
八縣鼠食稼張璠紀曰初  
平元年三月獻帝初入未央宮翟雉飛入未  
央宮獲之獻帝春秋曰建安七年五色大鳥

集魏郡衆鳥數十隨之魏志曰二十  
三年季秋烏集鄴宮文昌殿後也

桓帝建和三年秋七月北地廉肉似羊肋  
說文曰肋  
脅骨也或大如手近赤祥也是時梁太后  
攝政兄梁冀專權枉誅漢良臣故太尉李固  
杜喬天下冤之其後梁氏誅滅

後漢書志第十四







